

መጅልስ አምን ወለዛልም ቀራራቱ ድድ ኤረትሮፕ

(7ይ ክፍል)



እብ ዶ/ር አሕመድ ሐሰን ድሕሊ

በሊስ እግል ዛልም ሸክዋት ምጅልስ አምን

3. ናይላ ወክድ ለሀይ ሕኩመት አቶብዩ፡ ዲብ ፌብራይር 2008 ዲብላ እግል ሰልሲተን ድወል (ኤረትሮፕ፡ አቶብዩ ወጅቡቲ) ለለትሐዳድድ ደብር ሙስ ዐሊ ስለሕ ክቡድ ክምሰል ተክለውቱ፡ እሊ ክሉ መሻክል ሕዳድ ኤረትሮፕ ወጅቡቲ መጽአ። መጥ-መጦር እሊ አቶብዩ ለነስአተ ምስዳር ህዬ ዲብ ጅቡቲ ለዐለት ቅወት አሜሪካ አስክ ቅብለታይ እንክር ሕዳድ ኤረትሮፕ መጽአት። ሕኩመት ኤረትሮፕ፡ ዲብ እንክር ግብለት ምውዳቅ ጸሓይ ወግብለት ናይ ሕዳዳ እት ገብእ፡ እግል ሐረከት ዐክሰርየት አቶብዩ ወአሜሪካ ምን ቅሩብ ታብዑ ዐለ። ዲብ ክእነ ቴለል እት ሕነ ህዬ ዲብ ዮም 23 ኣፕሪል 2008 አሚር ቀጠር ለዐለ ሐመድ ቢን ከሊፈ አልሳኒ አስክ ርኢስ ኢሰያስ አፈወርቂ ተለፎን እንዴ ዘብጠ፡ ርኢስ ጅቡቲ እስማዒል ዑመር ገሌ “ኤረትሮፕ ዲብ ባካት ናይ ሕበር ሕዳድነ ቅወት ብዝሕት ተአሸፍፍ ህሌት” ዲብ ልብል ሸክወት ክምሰል ቀደመ እቱ ሐበረዮ። ዲብላ ጸብኢት ትሉሊት እብ ወካለት” ዲብ ሐንቴለ ልብል፡ አርእስ ውዛረት ካርጅየት ኤረትሮፕ ዲብ ዮም 19 ኖቨምበር 2008 ለአዳለዩ ሸሬሕ ብሁል ክምሰለ ህለ፡ ርኢስ ኤረትሮፕ “እለ ቀድየት እለ ቀደም እለ ክሉ ረአስ ሳምዐ ይአነ።” ዲብ ልብል እግል አሚር ቀጠር በልሰ እግሉ። እንዴ አትለ ርኢስ ኢሰያስ አፈወርቂ “ርኢስ እስማዒል ገሌ ዱቅሪ ምስልዩ ምን ልትዋጀህ ሰኒ ዐለ።

እብ አማን ምሸክለት ህሌት ገብአት ምንገብእ፡ አነ እብ ጀህቼ አስክ ጅቡቲ እግል ኢጊስ ዱሉይ አነ። ርኢስ ገሌመ አስክ አስመረ እግል ልምጸእ ቀድር። እግል

ክልሊቱ ኢልትከቡቱ ገብአ ምንገብእመ ዲብ አደውሐ እግል ንትዋጀህ እንቀድር” እት ልብል ሐበረዮ። አሚር ቀጠር እብ ጀህቱ እግለ “ሰኒ” ለቤለዩ ረአይ ኢሰያስ አፈወርቂ ትከቡተዮ። ርኢስ ኤረትርዮ በዳሪት እንዴ ነስኦ፡ እብ ሰበት ሐቂቀት ናይለ ጅቡቲ ለአቅረበተ ሸክወት እግል አመርት፡ እተ ምዕል ለህ አስክ ርኢስ ጅቡቲ እንዴ አተሰለ ረክበዮ። ርኢስ ጅቡቲ ህዩ “ቅዋቶም ዲብ ሕዱድኅ ጸጉዕ ክምሰል ህለ ሰምዐት” እት ልብል በልሰ እሉ። ርኢስ ኤረትርዮ እብ ጀህቱ፡ በሊስ ርኢስ ጅቡቲ ክምሰል ተሐበረዮ፡ አስክ እስማዒል እንዴ አተሰለ “ምዶል፡ ዔማት ናይ እለ ሐብሬ እለ ምንቱ?” እት ልብል ትሰአለዮ። ርኢስ ጅቡቲ “ሐበረውኒ” ዲብ ልብል በልሰ። እንዴ ጸንሐው ዲብ ናይ ደዓያት ፊራሮ ለትነፈዐው እቡ ፈረንሰዩን ለትናወለዉ “ሰወር” ክምሰል ህለ ባኪን ይሐበረዮ። ርኢስ ኢሰያስ አፈወርቂ ለደዓያት ለህይ ምን አማን ለሬመ ክምቱ እግል ተንጃሁ ርኢስ ጅቡቲ እንዴ ሐበረ፡ ክምሰልሁ ላተ ምስዳር እግል ልንሰእ ለዳርክ አስባብ ክምሰል ይህለ ንዮት ኤረትርዮ ግውርነት ሰኔት ወመዓወነት ክልኢቱ ገባይል አደቀቦት ክምተ አብረህ። ርኢስ ጅቡቲ እብ ጀህቱ “በሊስ ሰኒቱ፡ እብ ጀህቼ ህዩ ፈንጎሕ ዮም 24 አፕሪል 2008 እግል አተሰል እትካቱ” እንዴ ቤለ ትሳረሐ ምኑ። ምናተ ክምሰል መውዕዱ ይአተሰለ። እብ ቃብል እሊ ውቁላም ዙባጥ ዲብ ባካት እግል ልሸፈፍ ለተአዘዘ ጄሽ እንዴ ተለዮ፡ አስክ ሕዱድ ኤረትርዮ ወጅቡቲ ንሰ። ቀደሙ ለይዐለ አከይ-መቅርሕ እንዴ ከልቀ ህዩ ዲብ ዓሲመት መዲነት ጅቡቲ አቅበለ። ምናተ ቅያደት ጄሽ መዳፊዕት ኤረትርዮ እብሊ በርናምጅ እሊ ለትከለቀ አከይ-መቅርሕ ወቅብብ ለዐለ እቱ መዋዲት ምን ገበዩ እንዴ ኢሸክፍ፡ ምስል ጄሽ ጅቡቲ እብ ናይ ሕውትነት ደሚርቱ ለተዓመለ ምስሉ።

4. ሐቆ ስስ ሳምን ናይለ ፍንጌ ርኢስ ኤረትርዮ ወተንጃሁ ርኢስ ጅቡቲ እብ ተለፎን ለተሃገው እቱ ወክድ፡ እብ ፍንቱይ ዲብ ዮም 10 ጁን 2008 ዐሳክር ጅቡቲ ጸልመት እንዴ ሔገው ዲብ ረአስ ውሕዳት ኤረትርዮ እብ ቀናብል እደይ ለተለ ህጁም ከስተው። ውሕዳት ኤረትርዮ ምስለ ክሉ ለዋጀህዮም ህጁም፡ ክምሰለ አሰልፍ ለእቤሉ፡ ወሳይቅ ውዛረት ካርጅዮት ኤረትርዮ ክምሰለ ለሐብሩ፡ ቅያደት መርከዝዮት ኤርትርዮ ምን ረድ ፍዕል እግል ልትጀመሎ አው እግል ልደገጎ አዘዘዎም።

5. ግራሁ ዮም 11 ጁን 2008 ህዩ ጄሽ ጅቡቲ እብ ጥያራት እንዴ ትሰደ ድድ ውሕዳት ኤረትርዮ ድቁብ ህጁም ሀረሰ።

6. ክምሰለ ወሳይቅ ሕሱመት ኤረትርዮ ለለአክዱ ህዩ ውሕዳት ኤረትርዮ፡ ዲብ ቀደሞም ለገብአ ልግበእ ብዕድ ሕርያን ሰበት ይዐለ እሎም፡ ዲብ ዮም 12 ጁን 2008 ናይ መዳፊዕት አርወሐት ሐቆም ትነፈዐው።

7. ሕኩመት ጅቡቲ ዲብ አስመረ ለዐለ ሰፊረ ዲብ የም 14 ጁን 2008 ትስሕብ ዲብ ህሌት፡ እግል ሰፊር ኤረትሮየ ዲብ ጅቡቲ ህዬ ዲብ የም 16 ጁን 2008 ጠርዘቱ። ሐቆ እሊ እግል ጀዋሲስ ሐሽመት ኤረትሮየ እንዴ ዐዘመው ድድ ኤረትሮየ ዲብሎማስያይ ወናይ ደዓያት ፊራሮ አትበገሰት።

8. ፍንጌ ውሕዳት ኤረትሮየ ወጅቡቲ ዲብ የም 12 ጁን 2008 ዲብ ሕዱድ ሸበህ ደግሽ ዐስከሪ ክምሰል ቀንጸ፡ ሕኩመት ጅቡቲ እብ ደሚር እኩይ እንዴ ትበገሰት እብ ገበይ ወዚር ካርጅየቱ መሐመድ ዐሊ ዩስፍ እንዴ ወዴት፡ ዲብ የም 29 ጁን 2008 ናይ ድወል ዐረብ መራሐመት እግል ትርኩብ እግል ወሳእል እዕላም ምስር ወዐረብ ዲብ ሀበዩ ሸሬሕ፡ “እሊ ናይ ደንጎበ መዋዲት ኤረትሮየ እብ እስራኤል ለትሰደ ሰበት ገብአ፡ እግል ክልነ ዲብ ብቆት ለካሬቱ፡ ከሊጅ ባብ አልመንደብ ህዬ አተላላይ አምን ወደሐን ድወል ዐረብ ቱ” እት ልብል ሐበረ። ርኢስ ጅቡቲ እስማዒል ዑመር ገሌ እብ ጀህቱ፡ ዲብ የም 23 ኦክቶበር 2008 ዲብ ምጅልስ አምን ዲብለ ቀደመዩ ሸሬሕ፡ ክምሰል ገሌ ዲብሎማስዩን ዔማታት አርብ ምን ፓሪስ ለሐበረዉ፡ ሐሩቀት ድወል ዐረብ ጀላብ እግል ኢልሰብብ እቱ ለትመሀዘ ናይ ሕዱድ ደግሽ እግል እስራኤል ምን አትዐገቦት እንዴ ትጀመለ፡ “ለምሽክለት ዲብ ቀበት ሰለስ ሳምን ሐቆመ ኢሰክበት፡ እት ረኣስ ኤረትሮየ ሐርብ እግል ንፍተሕ ቱ” እት ልብል አትፋረህ።” ጌምያይ ርኢስ ጅቡቲ ነጂብ ጣህር ላኪን እብ ቃብል እሊ ዲብ የም 25 ኦፕሬል 2008 ዲብ ሀበዩ ሸሬሕ፡ “ናይ ሕዱድ ባካት ምን ሀለዮት ጅሽ ሕር ህለ፡ ምስል ኤረትሮየ ክሉቕ ለዐለ ቴለል ሐርብ ህዬ ሽኑክ ህለ” እት ልብል ሕቡሩ ዐለ።” እሊ ዲብ ሕድ ለይበይእ ሸሬሕ ረስሚ ጅቡቲ፡ ቅያደት ጅቡቲ ቀደሙ እብ ናይ እዲነ ወመንጠቀት ጀሃት ዲብ ዳለ እቱ ሲናርዮ እንዴ ትሰሐበ ዲብ ተማስ ክምሰል ትሸመመ ለለሐብር ቱ። ዶሩ ህዬ እብ ናይ በረ ቅዋት እግለ ተሐደደ እሉ ወቀይ እት ፍዕል እግል ለውዐል ምን ስታቲብ ለለሐልፍ ኢኮን።

ምናተ ምን ሒለቱ ለለዐቤ ዶር እግል ለአግዴ ዲብ ልትዌነቅ እቱ ለዐለ ወክድ፡ እግለ ናይ ድወል ምውዳቅ ጸሓይ ጌምየት ዐስከርዩን ለሐበረዉ እንዴ ሰምዐ፡ ዲብ ዕፌ ተማሲል እንዴ ኢገብእ፡ እብ ክሉ መቃዩስ ምስል ምኑ ለተዐቤ ቅወት ዲብ ሜዳን ዐስከርየት ለአቴ ክምሰል ህለ ለትረሰዐ መስል ዐለ። ገብአ ህዬ፡ እግለ ብዕዳም ለአዳለዉ እግሉ ኤታን እት ፍዕል እንዴ ኢለውዕል ክምሰል ኢለአቀብል ለአደፋርስ ምንመ ዐለ፡ ደገድግ ክምሰል ገብአ፡ ቅዋት ኤረትሮየ ሕዱዱ እንዴ ተዐደ ዲብ ከርስ ምድር ጅቡቲ እግል ኢልእቴ ሰበት ፈርህ፡ አስክለ ዐለ እቱ አቅበለ። ኤረትሮየ ሕዱደ እግል ትትዐዴ ክምሰል ኢኮን ህዬ እብ ገሌ ፈተቹ ተሐበረዩ። ሰብ ሰልጠት ኤርትሮያመ እብ ጀህቶም ዲብ ምድር ግዋሬሁ ሸዐብ ጅቡቲ ሸብርመ ትግበእ ንየት አው ጠለብ ክምሰል አለቡ፡ ሐ ሸዐብ ጅቡቲ ህዬ

ፈረንሳይ እብ ኣሳሰለ ዲብ ዮም 27 ጁን 1977 ምስል ጅቡቲ ለፈርመት እቲ ዐስከርያይ እትፋቅ፡ ምን ዐስከርያይ ደግሽ ለገብኦ እቲ ባካት ሓድ 20 ኪሎ ምትር እተ ሪመ ባካት ሙልሓሊ (ደርጌሊ) ዲብ ትትበህል ኣካን መዐስከር ከወነ።

9.ኤሪትርያ እግለ በርናምጅ ለትመሀዘ ናይ ሕዳድ ኣከይ-መቅርሕ እግል ኣስከቦት እግለ ማይ ነዲፍ እግል ሓምረጎት ልትባደሮ ለዐለው ናይ መንጠቀት ወእዲነ ቅዋት በክት እግል ክልኣት፡ ዲብ ናይ ክልኢተን ድወል ደረጀት እግል ሓደዶቱ ዲብ ትጸገም እቲ ለዐለ ወክድ፡ ጅቡቲ ድድ ኤሪትርያ ምን ኣማን ለሬመ ሸክዋት ዲብ ትነሸር እግለ ቀድየት ኣስክ ኢጋድ፡ እተሓድ ኣፍሪቀ፡ ኣልጃምዐ ኣልዐረብዮ፡ መነዘመት ሙእተመር እስላም፡ መነዘመት ፍራንክፎን ወምጅልስ ኣምን ዲብ ዐደዮቱ ትሳሰዐ።

10. ለለትዐጅብ ምጅስል ኣምን እንዴ ኢከጅል፡ “ኤሪትርያ እብ በዐል ምግብ እግል ልግበኦ ለጠልበዮ ናይ መንጠቀት ወዐለም መሓብር ረፍደት፡ እግል ጅህድ ኣሚን ዓምመ ቂመት ይህበቱ” ብህል ዐለ። ምናተ ምጅስል ኣምን፡ እግለ ልትሃገው እቦም ለዐለው መነዘማት በህለት ኢጋድ፡ እተሓድ ኣፍሪቀ፡ ኣልጃምዐ ኣልዐረብዮ፡ መነዘመት ሙእተመር እስላም፡ ምጅልስ ኣምን ወእዳረት ኣሜሪካ፡ እብ ሰበትለ ዲብ ዮም 10 ጁን 2008 ለሳደፊ ሓደስ ዲብ ምድር እንዴ ኢልብሕሶ፡ እብ ሸፋግ ኤሪትርያ ክምሰል ሰቀው ለልትኣመር ቱ። ምሰል ምጅልስ ኣምን እግል ኖሱ ዲብ ዮም 12 ጁን 2008 ዲብለ ኣፍገረዮ ሻፍግ ሸሬሕ፡ እግለ “ኤሪትርያ ድድ ጅቡቲ ዲብ ራስ ዱሜሪ ወጀዚረት ዱሜሪ ወዴተ” ለትብል ዐመልየት ዐስከርየት ክምሰል ሰቀት ልትኣመር። ሓቆ 13 ኣምዕል በህለት ዲብ ዮም 25 ጁን 2008 ዲብለ ኣፍገረዮ ብዕድ ሸሬሕ ህዬ ኣሚን ዓም መነዘመት ምጅልስ ቅራን ባንኪምን ኣስክ ጅቡቲ ወኤሪትርያ “መርማሪ ልኡክ” እግል ልልኣክ ጠልበ።

ምጅልስ ኣምን እንዴ ትባደረ እግል ኤሪትርያ ክምሰል ሰቀ፡ እግለ ኣሰልፍ ለኣሰሰዮ ሸክወት ደሊል እግል ልርከብ እለ መመርምራይ ወፍድ ኣስክ ኤሪትርያ ወጅቡቲ እግል ልንደእ ክም ትላክ ቁርኣይ ልብ ካሪ እሉ ህለ። ሰበት እሊቱ ህዬ እብ ቃብሉ ነፈር መነዘመት ምጅስል ቅራን ላተ ኤሪትርያ፡ ኣስክ ለጻሓተ ትትኣከድ ምጅርመት ጋብኣት ህሌት በህለት ቱ። ዐንገላሊሾ መዋዲት ምጅልስ ኣምን ህዬ እሊቱ። ለተህየበዮ ትእዛዝ እምበል በሐስ እት ፍዕል ለለውዕል መሻቀዬ እዳረት ኣሜሪካ ክምቱ ልትኣመር። ጀዚረት ራስ ዱሜሪ ዲብ ዮም 10 ጁን 2008 ልግበእ ወቀደመ ኣው ግራህ ሓርብ ለኢገብኦ እተ ኣካን ዲብ እንተ፡ ምጅልስ ኣምን “ፍንጌ ኤሪትርያ ወጅቡቲ ዲብ ጀዚረት ዱሜሪ ሓርብ ገብኦ” ልብል ዲብ ህለ፡ ምን ኣዮ እንዴ ትበገሳ ለረክበዮ ሓብሬ ተ? ምጅልስ ኣምን መመርምራይ ወፍድ ንድኣት ሌጠ እንዴ ኢገብኦ፡ ለልኡክ ላኪን ኣስክ ጀዚረት ዱሜሪ ኢበጽሓ። ሰበቡ ዲብ ጀዚረት ሚ ክምሰል ገብኦ ሓብሬ ሳብተት ሰበት ኣለቡ። ለኣማን

ክምሳል እለ ለትበሀለት እት እንተ ላኪን፡ “ኤረትርየ ድድ ጅቡቲ ዐመልየት
ዐስከርየት ሀረሰት” ዲበ ልብል መብደኣ ሰብተት።